

ISSN 2249-510X

A Peer Reviewed and Refereed Journal of

Kashmiri Literature and Language

Department of Kashmiri

University of Kashmir

یورپی ادبی صنف تہ کا شراب

شفیع شوق

تلخیص:

اظہار بروہہ چھ ذہن محشر خیال یا انو aporia بے ہیئت تہ بے تشکیل۔ زبانہ ہندیو  
تشکیلی قاعدو مطابقت ہیئت تہ جملہ بنتھ چھ یہ بنین فردن ہندین زہن تام و اتھ ہیکان یا انو  
اظہار چھ معنی بنتھ معنی و و پداوان۔ ادبی اظہار چھ عام اظہار نشہ تیمہ آہ بیون زیہ چھ نہ  
صرف لسائی تشکیلین تابع بلکہ اتھ ستر ستر چھ یہ روایتو پیٹھ مستعار ہیئتین تابع تکلیا زیہ چھ اصلاً  
اکھ پیداوار۔ یعنی:

مواد + ہیتی اصول + محنت = پیداوار / ادبی تخلیق

یہ ہیکہ نہ انفرادی مرضی تہ یرھنہ ہیئت رٹھ قابل قبول آستھ۔ قبول حاصل کرنہ باپتھ  
چھ اتھ ادیب سند محنتک ضرورت، یوت زیاد محنت اتھ منز کامہ لاگنہ یہ توت یہ اتھ منز  
فنی پوچھر۔

## کلیدی الفاظ:

اپوریا، بے تشکیل، لسانی تشکیل، مستعار، ہیبت، پیداوار

ادب پاراکھ پیداوار تسلیم کرتے چھ اتھ باقی پیداوارن ہندی پاٹھی معیارن ہندیو اصولو مطابقت میزانہ باپت تیار روزن؛ کوتاہ تہ ذاتی آستن، یا محض پنہ باپت، مگر اتھ چھ مانہ آستہ قاعدہ تسلیم کرنی۔ قاعدہ تہ ول چھ اُستادن ہندی ادبی کارنامہ معین کران۔ اوکڑ چھ تخلیقی ادب مخصوص اُستادن ہندین ادبی تخلیقن ہند تجزیاتی مطالعہ کرتے تہ تمن تابع روزی تھے قلم نلن۔ شاعری تہ نثری ادب چھ بے گند علاقہ بلکہ مختلف حد بند ضلعن پیٹھ مشتمل انسانی محسوس حلقہ چھ قاعدہ بند تہ ہندی ہتی اصول چھ قدیم زمانو پیٹھ مرتب کرنہ آستہ۔ شاعرن تہ تخلیقی نثر نگارن ہند باپتہ چھ ضروری تمن آسن گوڈ یمن قاعدن تہ نظر یمن ہندی درسی علم، بلکہ گروہیکھ آسن اُستادن ہندی تخلیق پر تھ یا بوز تھ مکمل تربیت۔ کانہہ شاعر ہیکہ عروضک درسی علم آسنہ وراے تہ خوبصورت غزل، رباعی یا مثنوی لیکھتھ۔ مگر اُستادن ہندی بوزنہ یا پرہ وراے نہ ہرگز۔

ادبی صنفن چھ تہذیبس معاشرس تہ اقتصادی ماحولس ستر قریبی رشتہ۔ کینہہ صنف چھ تمیم محض تہذیبی پس منظر آسنہ کنی جاری چھ مثلاً فارسی اردو تہ کاترس منر غزل۔ صرف ہیکہ یمنہ زبان منر غزل آستھ۔ انگریزی یا پیہ گنہ یورپی زبانی منرحتی کہ ہندی یا بیہ گنہ پراکرتس منر غزل لیکھن کوشش چھ طفلانہ مشغلہ۔ تھے پاٹھی چھ انگریزی تہ مغربی زبانن ہند سانیٹ (sonnet) چھ صرف تہنہ زبانن منر ممکن۔ سنیٹ چھ نہ ژوداہ مصری نظمہ ناو۔ اتھ چھ مخصوص عروضی نظام یعنی imabic pentameter یا وڈی تو پر تھ مصرعس منر فعلن رکنک پانزہ پھر تکرار۔ اتھ چھ ساختک تہ مقرر ترتیب: ترے ژ مصری بند تہ اُخرس پیٹھ دو مصری ہم قافیہ شعر۔ یوہے حال چھ جاپانی مختصر نظم ہاکیو (haikiu) ہک تہ۔ گنہ تہ مختصر شبہی نظمہ ہیکو نہ ہاکیو تھ؛ اتھ چھ ترین سطرن پیٹھ مشتمل آسن ضروری یمن منر ماتر ایہ پانزہ۔ ستھ۔ پانزہ ترتیب ہتھ آسن۔ فارسی شعری صنف رباعی چھ نہ ژ مصری بندس ونان، اتھ چھ مخصوص

عروضی ترتیب:

مفعول۔ مفاعیل۔ مفاعیل۔ فعل۔ فعل  
یا  
مفعول۔ مفاعیل۔ مفاعیل۔ مفاعیل۔ فعل

تہ یمن دون اوزان ہندو کیلئے تابع اوزان، خاص کر تھ

مفعول۔ مفاعیل۔ مفاعیل۔ فع

یہ چھنہ ممکنہ زمغربی شاعری منز یہ رباعی لیکھنہ ---- فزجیرلڈ (Fitzgerald) سُنْد عمر خیام نین ربا عین ہند ترجمہ آسنہ باوجود۔  
کلاسیکی ادبی صنف، مشرقی کیو مغربی، چھ لسائی تہ عروضی قاعدن ہند سختی سان احترام۔ مغربی ادب کو کلاسیکی ادبی صنف ہیکنہ  
مشرقی زبانن منز یہ تھ۔ اتھ برعکس یم مغربی ادبی صنف اقتصادی صورتحال بدلنس ستر ستر لسائی تہ عروضی مبادیات مانہ ورأے  
پر تھ یہ تہ پھانپھلیہ، تم نہ چھ مغربی تہ نہ مشرقی۔ مثلاً ناول، ڈراما، افسانہ، نظم، ٹریجڈی، تہ طریہ۔ یم صنف چھ پیداواری طاقت تہ  
پیداواری رشتہ بدلنس ستر ستر تجربن تہ خیالن ہند ترسیلہ باپت پانی پانے وودان۔

مغربی تہذیب تہ اقتصادی نظام رُودنشاۃ الثانیہ پتہ سارر سے عالمس پیٹھ حاوی تہ از تہ چھ۔ پیتہ اسی زندگی ہندین ضرورتن  
نسبت بسیار خیال، تصوّر تہ چیز مغرب پیٹھ تھ پنے زندگیہ منز شامل کران چھ، ادبی صنف پاننانس منز چھنہ کانہہ قح۔ اسہ یم ادبی  
صنف مغربی زبانو پیٹھ اختیار کر تہ تم چھ ناول، افسانہ، مختصر نظم، اوڈ، ایسے، آپر اتہ ڈراما (اگر یہ اکھ متن ہتھ بروٹھ کن یہ)۔

کلاسیکی صنفن مقابلہ چھ یمن سارنہ صنفن ہند براہ راست تعلق عصری زندگی ہندین مختلف پہلوہن ستر۔ چونکہ عصری  
زندگی چھ ہر لحظہ بدلونی، عصری ادب کین یمن صنفن ہند بنیادی امتیاز چھ ندرت تہ جدت۔ حقیقی زندگی ہندس مسلسل بدلاوس منز  
چھنہ زانہہ تہ تکرار ممکن۔ کانہہ تہ تجربہ یا صورتحال چھنہ عین تہ غین پھرنہ یوان لہذا چھنہ عصری ادبہ کین صنفن منز ترجمائی باپتھ  
کانہہ مقرر فارمولو؛ کانہہ تہ تکرار چھ ناقابل قبول۔ سوال چھ اگر نہ مشرقی زبانن ہند یو ادب و انگریزی، روسی یا فرانسیسی زبانن ہند

ادبک مطالعہ کو رمت آسے، کیا ہم صفحہ و وتلہ ہنپانے؟ جواب چھ آ۔ تکیا ز سماء جی بدلا وچھ پانے تقاضہ کران یمن صنفن ہند۔  
 تعلیم جا گہر دار طبقہ مثر نہر تھ عام لو کن تام واسنہ ستر۔ چھاپ خانہ ایجاد سپد نہ ستر تہ سما جس مثر درمیانی طبقہ وجود پڑاونہ ستر  
 آ و ناول تہ افسانہ وجودس۔ ڈہیل تہ داستان اُس بڑ وٹھے اسہ نش، اکھتے واریا ہن زبان مقابلہ سیٹھاہ وسیع، مگر ناول تہ افسانہ آ و  
 عصری زندگی ہندین واقعہن تہ کردارن ہند ورتا و ستر۔ درمیانی طبقہ کو تعلیم یافتہ اُس فکشنس مثر پنہ زندگی ہند حال زائن یرٹھان نہ  
 زہتہ واد و ریو پٹھ بوزانہ آءتر لال مجنوں، تہ ہی مال قصہ۔ نتیجہ ڈزاویہ ز مرزا ہادی رسوا ہن لیو کھ اردو ہس مثر گوڈنیک ناول یس  
 1899ء یس مثر شالیچ سپد۔ رسوا اوس انگریزی تہ یونانی زبانہ زانان، مگر شاید اوس نہ گنہ ناولگ مطالعہ کو رمت، شہزاد تہ شہزاد  
 تر ا و تھ عام سماء جی زندگی مثر ا مرؤ جان ادا مرکزی کردار بنا و نی اوس عصری زندگی ہند تقاضہ۔ شرت چندرچتو پادھیالے سندا ناول  
 دیوداس تہ آ و 1917ء مثر تھ پٹھی بارسس تکیا ز ناول نگار اوس پنہین ناولن تہ افسانن مثر عام دیہاتی زندگی ہنترجمانی کا نچھان  
 منشی پریم چند ہندی ناول میدان عمل، گودان، تہ افسانہ تہ آہ و ہمہ صدی ہندس ابتدائی دورس مثر لیکھنہ۔ بی سپد کا شرس مثر تہ  
 البتہ واریا ہن ژپر، یعنی 1950ء یس مثر بیبلہ اختر محی الدین گوڈنیک کا شرناول لیو کھ۔

ناول کو پٹھی افسانہ، ڈراما، آپرا، آزاد نظم، اوڈ، نثری نظم صنف پاننا و اسہ مغربی زبانوں نش متاثر سپد تھ، تہ ہم پاننا و تھ کر  
 آسہ یمن صنفن ہندی قاعدہ، دستور تہ شرط تہ تسلیم۔ کردار، پلاٹ، زبان، پس منظر، مکالمہ تہ باقی ترکیبی جزون متعلق ساری عالمی  
 معیار تہ بنیہ سانہ باپت واجب تہ لامحال۔ ہتی لو ا زمان ہند احترام کرنس مثر چھ تخلیق کارن ہند باپت وسیع مطالعہ ملزوم۔ ہتی  
 بندشہ تہ ترکیبی جزو وے عالمی معیارن تابع چھ، مگر تخلیق کارس چھ مقامی، سماء جی مسلہ، انفرادی تقاضہ تہ ماحولچ ترجمانی کرنس  
 مثر گنہ گنہ گریز کرن تہ ضروری۔ صنفن ہندی نیپر تقاضہ چھ ناگزیر، مگر تخلیق کارس چھ یمن صنفن مثر ا ندری سانحہ کارگر بناونس  
 مثر مکمل آزاد دی۔ ا ندری ساخت چھ کردار، واقعہ، فضا، صوتی تہ معنوی، رشتہ تہ ترکیب، لہذا چھ پڑ تھ تخلیقس مثر امیک ندرت تہ  
 ایجاد ضروری یس تخلیق کار ہند صلأ حیہ ترسیلس لایق بنان چھ۔ صنفی تقاضہ پور کر تھ یوت زیاد گریز کرنگ اختیار ورتا و نہ آسہ

آمت تیوت زیاد چھ تخلیق منر وقعت تہ کمال۔ اچ نڈ مثال چھ شیکسپیر سُنڈ کانہہ تہ ڈراما۔ صنفن ہُنڈ احترام کُرتھ۔ تہ اکین قایدن ہُنڈ مکمل قدرت حاصل کُرتھے ہیکہ تخلیق کار کانہہ نو بر ہاونگ جسارت کُرتھ۔ مثال ہیکہ شاعری ہُنڈین عرو ضی معیارن ہُنڈ علم آسہ ہیکہ کانہہ آزاد یا نثری نظم لیکھنگ جورت کُرتھ تہ تیلی آسہ تھ تخلیق اعتبار۔ تہ لاگن ساری بے وزن، بے باش تہ وورشور عبارتس نثری شاعری ونڈ۔ صنفی قاعدونش گریز کرنگ جواز گڑھ تجربک مزاج تہ نوعیت پاد کُرن نہ تخلیق کار سُنڈ شغل تہ تلنگری ہاونگ شوق۔

مغربی ادبی صنف ورتاونہ باپت چھ انگریزی یادیہ گنہ مغربی زبانہ ہُنڈین ادبی تخلیقن ہُنڈ تہ تمن نسبت ادبی بحثگ تہ مطالعہ ضروری۔

کتابیات:

Barthes, Roland . (1967). The Death of the Author. American journal Aspen.

Derrida, jacques. (1989) . Derrida and Deconstruction